

Landesbibliothek Oldenburg

Digitalisierung von Drucken

Phaedri Avgusti Liberti Fabvlarvm Aesopiarvm Libri V.

Phaedrus

Rintelii, MDCCXXXVIII

VD18 13044567

Fab. XI. Asinus et Leo venantes.

urn:nbn:de:gbv:45:1-17134

adeo securus mea mala ludere modo poteras,
iam simili fato tuam ipse calamitatem deploras.

FAB. X.

Lupus et Vulpes, iudicet Simio.

Quicunque turpi fraude semel innotuit,
Etiam si verum dicit, amittit fidem.
Hoc attestatur breuis Aesopi fabula.

Lupus arguebat Vulpem furti criminis:
Negabat illa, se esse culpae proximam.
Tunc iudex inter illos seddit simius.
Vterque caussam cum perorassent suam:
Dixisse fertur Simius sententiam:
Tu non videris perdidisse, quod petis;
Te credo surripuisse, quod pulchre negas. 10

Ex consuetudine fama.

Si quis fraudibus atque mendaciis gaudere creditur: fidem ille etiam amittit, si quando verum dicit. Hoc breuis demonstrat Aesopi fabula. Lupus furti accusabat vulpem. Haec contra negabat, furtum a se commissum, aut ullo modo fieri posse tanti criminis reum. Iudicem ergo constituunt simium, suamque coram illo scite perorat vterque caussam. Quo facto, simius hanc dixit sententiam. Te, lupe, nunquam credo, perdidisse, quod petis: et tu, vulpecula, omnino mihi videris surripuisse, quod multis verbis ambitiose negas.

FAB. XI.

Afinus et Leo venantes.

Virtutis expers, verbis iactans gloriam,
Ignotos fallit, notis est derisui.

Vet.

Venari, Asello comite, cum vellet Leo:
 Contextit illum frutice, et admonuit simul,
 Ut insueta voce terreret feras,
 Fugientes ipse exciperet. Hic auritulus
 Clamorem subito totis tollit viribus,
 Nouoque turbat bestias miraculo.
 Quae dum pauentes exitus notos petunt,
 Leonis affliguntur horrendo impetu. 10
 Qui postquam caede fessus est, Afinum euocat,
 Iubetque vocem premere: tunc ille insolens,
 Qualis videtur opera tibi vocis meae?
 Insignis, inquit, sic, ut nisi nossem tuum
 Animus genusque, simili fugissem metu. 15

Opinio fallit.

Qui sine virtute virtutis iactat gloriam, fallit
 quidem alios, sed luditur ab illis, quibus inno-
 tuit. Cum leone vecors et languidus cum vel-
 let aliquando venari asinus: lassum animal
 oculuit fruticum latebris, et incondito clamo-
 re feras terrere iussit: ut ipse facilius fugientes
 capere posset. Asellus, arborum bene tectus
 ramis, intempestium totis viribus edidit sonum,
 ac nouo miraculo bestias siluae turbat, quae tre-
 mentes ac perterritae, dum euadere conantur,
 in vngues incidunt inuicti leonis. Hic tan-
 dem caede fessus asinum euocat, suamque iu-
 bet premere vocem. At ille insolens, haec cine,
 inquit, praestans et iucunda tibi vocis fuit o-
 pera? Sic sane, leo respondet, ut, nisi animus
 genusque tuum ante mihi fuisset cognitum,
 mihi met ipsi terrorem iniicere potuisses.

FAB.



FAB. XII.

Ceruns ad fontem.

Laudatis vtiliora, quae contemseris,
Saepe inueniri, haec exerit narratio.

Ad fontem Ceruus, cum bibisset, restitit,
Et in liquore vedit effigiem suam.

Ibi dum ramosa mirans laudat cornua,
Crurumque nimiam tenuitatem vituperat:
Venantum subito vocibus conterritus,
Per campum fugere coepit, et cursu leui
Canes elufit. Silua tum excipit ferum,
In qua, retentis impeditus cornibus, 10
Lacerari coepit morsibus saeuis canum.

Tunc moriens vocem hanc edidisse dicitur:
O me infelicem! qui nunc demum intelligo,
Vt illa mihi profuerint, quae despexeram,
Et quae laudaram, quantum luctus habuerint.

Nimium ne crede colori.

Haec fabula docet, usum illis rebus saepe inesse maiorem, quas contemseris, quam quae summis elatae fuerint laudibus. Ceruus, cum bibisset, ad fontem restitit, suamque effigiem in liquore, velut in speculo, repraesentatam vedit. Tum sua miratur et laudat ramosa cornua; nimiam contra despicit atque deplorat tenuitatem crurum. Mox venatorum clamore perterritus coepit fugere per campum, ac celeri cursu ab insultibus canum in siluam se recepit: cornibus autem, quod arborum saepius implicantur ramis, impeditus saeuis canum morsibus laceratur. In agone ita fertur sua fata de-

plo-